



МОНГОЛ УЛСЫН
ЗАМ, ТЭЭВРИЙН САЙДЫН
ТУШААЛ

2024 оны 11 сарын 15 өдөр

Дугаар А/240

Улаанбаатар хот

Журам шинэчлэн батлах тухай

Монгол Улсын Засгийн газрын тухай хуулийн 24 дүгээр зүйлийн 2 дахь хэсэг, Монгол Улсын яамны эрх зүйн байдлын тухай хуулийн 26 дугаар зүйлийг 26.3 дахь заалт, Засгийн газрын 2019 оны “Журам батлах тухай” 5 дугаар тогтоолыг тус тус үндэслэн ТУШААХ НЬ:

1. “Зам, тээврийн салбарын ажилтан, албан хаагчдад шагнал олгох журам”-ыг нэгдүгээр, “Зам, тээврийн салбарын Засгийн газрын тэргүүний ажилтны хүндэт тэмдгийн ерөнхий загвар”-ыг хоёрдугаар, зам, тээврийн яамны “Хүндэт жуух бичиг”-ийн загварыг гуравдугаар хавсралтаар баталсугай.

2. Шагналын үнэмлэх, гэрчилгээ, тэмдэг хэвлүүлэх болон холбогдох бусад зардлыг байгууллагынхаа төсөвт төлөвлөж, зарцуулахыг харьяа агентлаг, байгууллагын дарга (захирал) нарт зөвшөөрсүгэй.

3. Өмчийн хэлбэр харгалзахгүйгээр журмыг үйл ажиллагаандаа мөрдлөг болгон ажиллахыг Зам, тээврийн салбар байгууллагын захирал, дарга нарт даалгасугай.

4. Журмын хэрэгжилтэд хяналт тавьж ажиллахыг Төрийн захиргааны удирдлагын газар (Б.Болор-Эрдэнэ)-т үүрэг болгосугай.

5. Энэхүү тушаал гарсантай холбогдуулан Зам, тээврийн хөгжлийн сайдын “Журам шинэчлэн батлах тухай” 2023 оны А/198 дугаар тушаалыг хүчингүй болсонд тооцсугай.

САЙД



Б.ДЭЛГЭРСАЙХАН

Зам, тээврийн сайдын 2024 оны
11 дугаар сарын 25 өдрийн 1740 дугаар
тушаалын хавсралт



ЗАМ, ТЭЭВРИЙН САЛБАРЫН АЖИЛТАН, АЛБАН ХААГЧДАД ШАГНАЛ ОЛГОХ ЖУРАМ

Нэг. Нийтлэг үндэслэл

1.1. Монгол Улсын зам, тээврийн салбарыг хөгжүүлэх үйлсэд бодитой хувь нэмэр оруулсан, онцгой амжилт гаргасан ажилтан, албан хаагч, Монгол Улсын болон гадаадын иргэнийг Засгийн газрын /цаашид "салбарын шагнал" гэх/ болон Зам, тээврийн яамны шагнал /цаашид "яамны шагнал" гэх/-д нэр дэвшүүлэх, шагнаж урамшуулахад энэхүү журмыг мөрдөнө.

Хоёр. Шагналын төрөл

2.1. Засгийн газрын салбарын тэргүүний ажилтан хүндэт тэмдэг нь дор дурдсан төрөлтэй байна.

2.1.1. "Хүндэт төмөр замчин" хүндэт тэмдэг;

2.1.2. "Тэргүүний замчин" хүндэт тэмдэг;

2.1.3. "Иргэний агаарын тээврийн тэргүүний ажилтан" хүндэт тэмдэг;

2.1.4. "Онц тээвэрчин" хүндэт тэмдэг;

2.1.5. "Автотээврийн тэргүүний ажилтан" хүндэт тэмдэг;

2.1.6. "Усан зам, далайн салбарын тэргүүний ажилтан" хүндэт тэмдэг.

2.2. Зам, тээврийн яамны шагнал нь дор дурсан төрөл байна.

2.2.1. Яамны "Хүндэт жуух бичиг".

2.2.2. Зам, тээврийн яамны Хүндэт дэвтэрт бичиж, дурсгалын гэрчилгээ олгох;

Гурав. Шагнал олгох болзол

3.1. Зам, тээврийн салбарын шагналыг яам, Засгийн газрын гэсэн дарааллаар дор дурдсан үзүүлэлтийг хангасан албан хаагч, иргэнд олгоно. Үүнд:

3.1.1. Төмөр замын салбарт 15-аас доошгүй жил идэвх зүтгэл, үр бүтээлтэй ажилласан төмөр замын тээвэрлэлтийн үйл ажиллагаанд оролцогч болон түүнд дэмжлэг үзүүлж ажилладаг ажилтныг "Хүндэт төмөр замчин" хүндэт тэмдгээр;

3.1.2. Авто замын салбарт 15-аас доошгүй жил идэвх зүтгэл, үр бүтээлтэй ажилласан инженер, техникч, замчин, механизмчныг “Тэргүүний замчин” хүндэт тэмдгээр;

3.1.3. Иргэний нисэхийн салбарт 15-аас доошгүй жил идэвх зүтгэл, үр бүтээлтэй ажилласан нислэг үйлдвэрлэлийн үйл ажиллагаанд оролцдог болон түүнд дэмжлэг үзүүлж ажилладаг ажилтныг “Иргэний агаарын тээврийн тэргүүний ажилтан” хүндэт тэмдгээр;

3.1.4. Автотээврийн хэрэгслээр ачаа, зорчигч тээврийн ажил үйлчилгээ эрхэлдэг мэргэжлээр 15-аас доошгүй жил идэвх зүтгэл, үр бүтээлтэй ажилласан жолоочийг “Онц тээвэрчин” хүндэт тэмдгээр;

3.1.5. Автотээврийн салбарт 15-аас доошгүй жил идэвх зүтгэл, үр бүтээлтэй ажилласан автотээврийн инженер, техникч, удирдах болон үйлчилгээний ажилтныг “Автотээврийн тэргүүний ажилтан” хүндэт тэмдгээр;

3.1.6. Усан зам, далайн тээврийн салбарт 15-аас доошгүй жил идэвх зүтгэл, үр бүтээлтэй ажилласан хөлөг онгоцны ахмад, инженер, техникч, далайчин, хөлөг онгоц болон усан замын тээврийн ажилтан, үйлчилгээ эрхлэгчдийг “Усан зам, далайн салбарын тэргүүний ажилтан” хүндэт тэмдгээр;

3.1.7. Улсад 10 жил, зам, тээврийн салбарт 5 болон түүнээс дээш жил идэвх зүтгэлтэй ажилласан албан хаагч, иргэнийг яамны “Хүндэт жуух бичиг”-ээр тус тус шагнана.

3.2 Зам, тээврийн салбарт 30-аас доошгүй жил ажиллаж, зам, тээврийн салбарын ажил, үйлчилгээг боловсронгуй болгох дэвшилтэт техник, технологи, шилдэг арга ажиллагаа нэвтрүүлэн ажил үйлчилгээний чанар, нэр төрөл, эдийн засгийн үр ашгийг нэмэгдүүлсэн тодорхой үр дүн, үр бүтээл гаргасан удирдах ба ахмад ажилтны алдар гавьяа, сайн үйлс, үлгэр дуурайллыг алдаршуулж, Зам, тээврийн яамны Хүндэт дэвтэрт алдар нэрийг нь мөнхжүүлэн бичиж үлдээнэ. Хүндэт дэвтэрт бичигдсэн тухай гэрчилгээ олгоно.


3.3. Шагналыг Үндэсний их баяр наадам, Үндэсний эрх чөлөө, тусгаар тогтнолоо сэргээсний баяр, Цагаан сарын баяртай холбогдуулж олгох бөгөөд салбарын тэмдэглэлт өдөр, 50 болон түүнээс дээш 10 жилийн давтамжтай тэгш ой тохиолдуулан олгож болно.

3.4. Зам, тээврийн салбарт онцгой амжилт гаргасан, оновчтой санаачилга гаргасан, тодорхой үр дүн бүхий бүтээлч ажил хийсэн (энэ тохиолдолд онцгой амжилт гаргасныг гэрчлэх баримт бичиг, шийдвэрийн хуулбар) ажилтныг энэ журмын 3.1-т заасан хугацааг харгалзахгүйгээр шагнаж болно.

Дөрөв. Шагналд нэр дэвшүүлэх, тодорхойлох

4.1. Аж ахуйн нэгж, байгууллагад ажиллаж байгаа зам, тээврийн салбарын ажилтан, албан хаагч, тухайн байгууллагаас өндөр насны тэтгэвэрт гарсан ахмад ажилтныг үндсэн байгууллага нь шагналд тодорхойлно.

4.2. Зам, тээврийн яамны харьяа байгууллагуудын салбар нэгж шагналд



тодорхойлохдоо зөвхөн үндсэн байгууллагаар дамжуулан, тухайн харьяа байгууллагын дарга, захирал нар тодорхойлно.

4.3. Төрийн бус байгууллага, иргэний нийгмийн байгууллага, бусад олон нийтийн байгууллагаас зам, тээврийн салбарын албан хаагчийг шагнуулах санал дэвшүүлсэн тохиолдолд тухайн албан хаагчийн ажиллаж байгаа байгууллагаас заавал санал авсан байна.

4.4. Хүсэлт гаргагч байгууллага нь шагналд нэр дэвшүүлсэн албан хаагч, иргэний материалыг журмын 3.3-т заасан баяр, тэмдэглэлт өдрөөс 30 хоногийн өмнө яамны шагналын цахим бүртгэлийн систем (mrt.gov.mn/салбарын шагнал)-д баталгаажсан хэрэглэгчийн эрхээрээ үнэн, зөв ирүүлсэн байна.

4.5. Шагналын цахим бүртгэлийн систем нь тухайн баяр, ой, тэмдэглэлт өдөр болохоос 90 хоногийн өмнө нээгдэж 30 хоногийн өмнө хаагдах ба энэ хугацаанд хүсэлт гаргагч байгууллагын итгэмжлэгдсэн ажилтан нь цахим бүртгэлийн системд хандаж шагналд нэр дэвшигчдийн хүсэлтийн төлөвийг шалгана.

4.6. Шагналд нэр дэвшүүлсэн хүмүүсийг тодорхойлохдоо дор дурдсан материалыг бүрдүүлнэ.

4.6.1. Шагнуулах тухай хүсэлт гаргасан байгууллагын албан бичиг;

4.6.2. Зам, тээврийн салбарын шагналын журмын хавсралтаар баталсан загварын дагуу үнэн зөв бөглөсөн анкет;

4.6.3. Хамт олны эсхүл удирдах зөвлөлийн хурлын тэмдэглэл;

4.6.4. Ажил байдлын дэлгэрэнгүй тодорхойлолт;

4.6.5. Яамны болон төр засгийн бусад шагналаар шагнагдсан бол тэдгээрийн хуулбар;

4.6.6. Нийгмийн даатгалын дэвтрийн хуулбар (зөвхөн нүүр, ажилд авсан болон чөлөөлсөн хэсэг)-ыг эсхүл э-монголиа /Цахим үйлчилгээний нэгдсэн портал/-аас авсан нийгмийн даатгалын шимтгэл төлөлтийн талаарх тодорхойлолт.

4.7. Шагналд тодорхойлсон ажилтан, албан хаагчийн ажил байдлын тодорхойлолтод тухайн ажилтны ажлын үр бүтээл, ажлын гол үзүүлэлт, хүрсэн үр дүн, байгууллагын дүгнэлтийг тусгасан байна.

4.9. Энэхүү журмын 2.1.4, 2.1.5-д заасан шагналыг давхардуулан олгохгүй.

Тав. Шагналыг шийдвэрлэх, олгох

5.1. Зам, тээврийн яамны шагналын асуудал хариуцсан мэргэжилтэн цахимаар шагналын материалыг хүлээн авч хянана.

5.2. Шагналын асуудал хариуцсан мэргэжилтэн нь энэхүү журмын 3.1-т заасан болзол шаардлагыг хангасан эсэх талаар санал боловсруулан Сайд, Төрийн нарийн бичгийн дарга, Төрийн захиргааны удирдлагын газрын дарга нарт танилцуулна.



5.3. Шагнах асуудлыг Сайдын тушаал гаргаж шийдвэрлэнэ.

5.4. Энэ журмын 2.1-д заасан шагналыг хувийн дугаар бүхий үнэмлэх дагалдана.

5.5. Шагнагдсан хүмүүсийн мэдээллийг цахим бүртгэлийн системд байршуулах бөгөөд шагналын тэмдэг, үнэмлэхийг тодорхойлсон байгууллагад хүлээлгэн өгнө.

5.6. Шагналд нэр дэвшигчийн холбогдох мэдээллийг вэб программд хуурамчаар бүртгүүлсэн нь нотлогдсон тохиолдолд тухайн иргэний регистрийн дугаараар мэдээлэл оруулах эрхийг 3 жил, байгууллагын эрхийг 1 жилийн хугацаанд тус тус хаана.

5.7. Журмын 3.1-д заасан болзол шаардлагыг хангаагүй, баримт бичгийг 4.4-д заасны дагуу цахим бүртгэлийн системд бүртгэлгүй албан хаагч, иргэнд шагнал олгохгүй.

5.8. Шагналын материалыг дараах тохиолдолд цаасаар авч болно.

5.8.1. Программын серверийн үйл ажиллагаа зогсох, гадны нөлөөлөл, программ хангамжийн эвдрэлийн улмаас программд хандалт хийх боломжгүй үед;

5.8.2. Яаралтай буюу программ хангамжийн хэт их ачаалалтай үед.

Зургаа. Тэмдэг, үнэмлэхийг нөхөн олгох

6.1. Салбарын тэргүүн болон яамны шагналын үнэмлэх, тэмдгийг үрэгдүүлсэн, гэмтээсэн тухай хүсэлтийг хянан үзэж нөхөн олгох үндэслэлтэй гэж үзвэл тэмдгийн үнийг төлж нөхөн болон сольж олгож болно.


6.2. Энэхүү журмын 6.1-д заасан тохиолдолд шагналын эзэн, түүний гэр бүлийн гишүүн (нөхөр, эхнэр, хүүхэд, эцэг, эх, төрсөн ах, эгч, дүү) тухайн шагналын үнэмлэх, тэмдгийг үрэгдүүлсэн, гэмтсэн нөхцөл, шалтгааныг тодорхой бичсэн хүсэлт гаргана. Хүсэлтэд иргэний үнэмлэх, шагналын үнэмлэхний хуулбар, тэмдгийн үнийг банканд тушаасан баримт, эвдэрсэн, гэмтсэн зүйлийг хавсарган тус яамны Төрийн захиргааны удирдлагын газарт ирүүлнэ.

Долоо. Шагналын мэдээллийн сан

7.1. Яам нь шагнагдсан хүмүүсийн цахим мэдээллийн сантай байна. Санг шагналын төрлөөр, он дарааллаар төрөлжүүлэн бүрдүүлнэ.

7.2. Мэдээллийн сангийн бүрдүүлэлт, баяжилт хөдөлгөөнийг шагналын асуудал хариуцсан мэргэжилтэн хариуцан хөтөлнө.

-оОо-



ЗАМ, ТЭЭВРИЙН САЛБАРЫН ШАГНАЛААР ШАГНАГДАХ ИРГЭНИЙ АНКЕТ

/заавар/

1. Овог, эцэг /эх/-ийн болон өөрийн нэр
2. Регистрийн дугаар
3. Хүйс
4. Боловсрол
5. Мэргэжил
6. Үндсэн захиргаа
7. Ажилладаг салбар
8. Урьд болон одоо ажиллаж байгаа газар

Зураг 4x6

№	Ажлын газрын нэр	Эрхэлсэн ажил	Хугацаа
	Нийт ажилласан жил		

9. Төр, Засгийн болон бусад ямар шагналаар хэзээ шагнагдсан:

№	Шагналын нэр	Шагнагдсан он /заавал бичнэ/

10. Шагнуулах гэж байгаа үндэслэл /тухайн хүний ажлын амжилт, гаргасан үр дүн, туурвисан бүтээл зэргийг сүүлийн 5 жилээр тодорхой бичиж, шаардлагатай гэж үзвэл холбогдох жагсаалтыг хавсаргана/

.....

.....

.....

11. Ямар шагналаар шагуулах:

.....

.....

.....

12. Хамт олны саналын хувь:

.....

.....

БАЙГУУЛЛАГЫН ДАРГА /ЗАХИРАЛ/ -ЫН ГАРЫН ҮСЭГ,
ТАМГА / ТЭМДЭГ

Зам, тээврийн сайдын 2024 оны 71 дугаар
сарын 15 өдрийн 1/240 дугаар тушаалын хоёрдугаар
хавсралт

ЗАСГИЙН ГАЗРЫН ШАГНАЛ ЗАМ, ТЭЭВРИЙН
САЛБАРЫН ТЭРГҮҮНИЙ АЖИЛТАН /“АВТОТЭЭВРИЙН ТЭРГҮҮНИЙ
АЖИЛТАН”, “ХҮНДЭТ ТӨМӨР ЗАМЧИН”, “ТЭРГҮҮНИЙ ЗАМЧИН”, “ИРГЭНИЙ
АГААРЫН ТЭЭВРИЙН ТЭРГҮҮНИЙ АЖИЛТАН”, “УСАН ЗАМ, ДАЛАЙН
САЛБАРЫН ТЭРГҮҮНИЙ АЖИЛТАН”, “ОНЦ ТЭЭВЭРЧИН”/
ХҮНДЭТ ТЭМДГИЙН ЕРӨНХИЙ ЗАГВАР

“Засгийн газрын салбарын тэргүүний ажилтан” хүндэт тэмдэг нь тухайн салбар, ажил, мэргэжлийн чиглэл, онцлогийг бэлгэдсэн дүрслэлтэй, тэмдгийн оноосон нэрийг бичсэн, дээд хэсэгт соёмбо дүрсэлсэн, урт нь 40-45 мм, өргөн нь 20-22 мм, зузаан нь 2,5 мм-ээс илүүгүй хэмжээтэй байна.

___оОо___

Зам, тээврийн сайдын 2024 оны 11 дугаар сарын 15 өдрийн 11/210 дугаар тушаалын гуравдугаар хавсралт



ЗАМ, ТЭЭВРИЙН ЯАМНЫ "ХҮНДЭТ ЖУУХ БИЧИГ"-ИЙН ЗАГВАР

Яамны "Хүндэт жуух бичиг" нь дараах техникийн тодорхойлолтыг хангасан байна. Үүнд:

"Хүндэт жуух бичиг нь 297x210мм хэмжээтэй хуудсыг А5 хэмжээгээр 2 нүүрт хуваан, тус бүр түмэн насан хээгээр дэвсгэрлэсэн, 10 мм өргөн алхан хээгээр хүрээлсэн байна.

Нэгдүгээр нүүрэнд хоёрдугаар нүүрт бичигдсэн бичвэрийг монгол бичгээр хөрвүүлэн бичих бөгөөд дугаар, он, тушаалын дугаарыг бичихгүй байж болно.

Хоёрдугаар нүүрэнд дээд хүрээнээс доош 15 мм зайд 25x25 мм хэмжээтэй соёмбо бүхий Зам, тээврийн яамны лого байх ба соёмбоос доош 1 мм зайд голлуулан "Дугаар....." гэж бичсэн байна. Түүнээс доор 15 мм зайд "Хүндэт нөхөр.....Танаа" гэсэн үгийг байрлуулна. Түүний доор 2 мм зайд "Монгол Улсын Зам, тээврийн салбарыг хөгжүүлэхэд Таны оруулсан хувь нэмрийг өндрөөр үнэлж яамны "ХҮНДЭТ ЖУУХ БИЧИГ"-ээр шагнав." гэсэн өгүүлбэрийг бичсэн байна.

Уг өгүүлбэрээс доош 3 мм зайд "МОНГОЛ УЛСЫН ЗАСГИЙН ГАЗРЫН ГИШҮҮН, ЗАМ, ТЭЭВРИЙН САЙД(нэр) байна.

Мөн 2 дугаар нүүрний доод хүрээнээс 10мм зайд "20....оны-р тушаал, Улаанбаатар хот" гэсэн бичвэрийг голлуулан бичнэ.

"ХҮНДЭТ ЖУУХ БИЧИГ" гэсэн бичвэр улаан өнгөөр, бусад бүх бичвэр хар өнгөтэй байна.

_____оОо_____